

Broj: 01-02-3-311/16  
Sarajevo, 05.03.2016. godine

## Z A P I S N I K

### 8. REDOVNE SJEDNICE PREDSTAVNIČKOG DOMA PARLAMENTA FEDERACIJE BIH, održane 23.02.2016. godine

Sjednica je počela u 10.31.

Sjednici je predsjedavao predsjedavajući Predstavničkog doma Parlamenta Federacije BiH Edin Mušić.

Predsjedavajući Mušić pozdravio je zastupnice i zastupnike, premijera Vlade Federacije BiH Fadila Novalića, potpredsjednika Federacije BiH Milana Dunovića, članove Vlade Federacije BiH, Međunarodne zajednice, kao i predstavnike akreditiranih medijskih kuća koji prate rad sjednice.

Odsustvo sa sjednice opravdali su: Alma Kratina, Halid Muhić, Rusmir Mesihović, Anela Šestić-Begović, te ministar Aljoša Čampara.

Prema evidenciji Stručne službe, predsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Prije nego se prešlo na rad po dnevnom redu predsjedavajući je kazao da je potrebno izvršiti verifikaciju mandata novoizabranim zastupnicima. Predstavnik Mandatno-imunitetske komisije dao je obrazloženje. Centralna izborna komisija dostavila je dvije odluke o prestanku mandata zastupnicima Enveru Merdiću (SBB) i Mahiru Nurkanoviću (SBB) zbog imenovanja na drugu dužnost. Također, dostavila je imena sljedećih kvalifikovanih kandidata Zijad Alajbegović i Zikreta Odobašić sa liste SBB. Na osnovu navedenog Komisija predlaže da se verifikuju mandati kvalifikovanim kandidatima Zijadu Alajbegoviću i Zikreti Odobašić.

U raspravi niko nije učestvovao.

Sa 62 glasa za, uz jedan glas protiv i uz dva uzdržana glasa, Predstavnički dom usvojio je Izvještaj Mandatno-imunitetske komisije i time verifikovao mandate Zijadu Alajbegoviću (SBB) i Zikreti Odobašić (SBB).

Novoizabrani zastupnici dali su svečanu izjavu.

Zapisnik 6. redovne sjednice usvojen je bez primjedbi.

Predsjedavajući je kazao da se Udruženje "Srce za djecu oboljelu od raka u Federaciji BiH" dopisom obratilo Domu sa molbom da se njihova predstavница Lejla Kamerić obrati na sjednici. Predsjednica Lejla Kamerić obratila se Domu i ukratko iznijela probleme sa kojima se Udruženje susreće i zamolila Dom da pomogne u rješavanju problema.

Prešlo se na utvrđivanje dnevnog reda.

Vlada Federacije BiH dostavila je dopis kojim traži odgađanje razmatranja Nacrta Zakona o izmjenama i dopunama Zakona o radu. U ime Vlade Federacije BiH direktor Uprave za geodetske poslove Željko Obradović povukao je Prijedlog Zakona o finansiranju poslova premjera i uspostavljanja katastra nekretnina.

U diskusiji o izmjenama i dopunama dnevnog reda učestvovali su: Ismet Osmanović, Nasir Beganović, Dženan Đonlagić, Boro Krišto, Tarik Arapčić, Zana Marjanović, Elvir Karajbić i Osman Suljagić.

Tarik Arapčić je, u ime Odbora za zdravstvo, predložio da se 17. tačka - Odluka o izdvajanju sredstava u Fond solidarnosti Federacije BiH za 2016. godinu -

povuče sa dnevnog reda što je, sa 72 glasa za, uz jedan glas protiv i uz tri uzdržana glasa, usvojeno.

Osman Suljagić predložio je da se u dnevni red uvrsti tačka - Prijedlog izmjena i dopuna Zakona o dugu i zaduživanju, što nije usvojeno (33 glasa za, 25 glasova protiv i tri uzdržana glasa).

Prešlo se na izjašnjavanje o hitnosti postupka.

Sa 57 glasova za, uz 24 glasa protiv i bez uzdržanih glasova, usvojeno je da se Prijedlog Zakona o izmjenama i dopunama Zakona o jedinstvenom sistemu registracije, kontrole i naplate doprinosa razmatra po hitnom postupku.

Sa 52 glasa za, uz 27 glasova protiv i uz četiri uzdržana glasa, usvojeno je da se Prijedlog Zakona o izmjenama Zakona o suzbijanju korupcije i organiziranog kriminala u Federaciji BiH razmatra po hitnom postupku.

Sa 56 glasova za, uz 27 glasova protiv i uz dva uzdržana glasa, usvojeno je da se Prijedlog Zakona o izmjenama i dopunama Krivičnog zakona Federacije BiH razmatra po hitnom postupku.

Sa 64 glasa za, uz tri glasa protiv i uz 16 uzdržanih glasova, usvojen je sljedeći:

## DNEVNI RED

1. Prijedlog Zakona o izmjenama i dopunama Zakona o jedinstvenom sistemu registracije, kontrole i naplate doprinosa – hitni postupak,
2. Prijedlog Zakona o izmjenama i dopunama Krivičnog zakona Federacije BiH – hitni postupak,
3. Prijedlog Zakona o izmjenama Zakona o suzbijanju korupcije i organiziranog kriminala u Federaciji BiH – hitni postupak,
4. Prijedlog Zakona o izmjenama Zakona o posredovanju u zapošljavanju i socijalnoj sigurnosti nezaposlenih osoba (predlagač: Dennis Gratz) – skraćeni postupak,
5. Prijedlog Zakona o zabrani negiranja, osporavanja, minimiziranja, opravdavanja ili odobravanja holokausta, zločina genocida i zločina protiv čovječnosti (predlagač: Dennis Gratz) – skraćeni postupak,
6. Prijedlog Zakona o izmjenama Zakona o plaćama i naknadama u organima vlasti Federacije BiH (predlagač: Dennis Gratz) – skraćeni postupak,
7. Prijedlog Zakona o izmjeni i dopuni Zakona o zdravstvenoj zaštiti (predlagač: Dennis Gratz) – skraćeni postupak,
8. Prijedlog Zakona o izmjeni Zakona o bibliotečkoj djelatnosti (predlagač: Dennis Gratz) – skraćeni postupak,
9. Prijedlog Zakona o posebnim mjerama za sprečavanje vršenja krivičnih djela protiv spolne slobode i morala prema maloljetnim licima u Federaciji BiH (predlagač: Dennis Gratz) – skraćeni postupak,
10. Prijedlog Zakona o Trezoru u Federaciji BiH,
11. Nacrt Zakona o tehničkoj kulturi Federacije BiH (predlagači: Amir Zukić i Omer Škaljo),
12. Nacrt Zakona o izmjenama i dopunama Zakona o leasingu,
13. Nacrt Zakona o dobrovoljnim penzijskim fondovima,
14. Program rada Vlade Federacije BiH za 2016. godinu,
15. Prijedlog Odluke o odobravanju Odluke o davanju saglasnosti na izmjenu ugovora o sindiciranom dugoročnom kreditu s valutnom klauzulom,

16. Usaglašavanje tekstova zakona različito usvojenih u domovima Parlamenta Federacije BiH,  
17. Izbori i imenovanja.

**1. Prijedlog Zakona o izmjenama i dopunama Zakona o jedinstvenom sistemu registracije, kontrole i naplate doprinosa – hitni postupak**

Prijedlog Zakona utvrdila je Vlada Federacije BiH.

Prijedlog Zakona razmatrala su nadležna radna tijela i dostavila izvještaje.

U ime Vlade dodatno obrazloženje dala je Mira Bradara.

U raspravi su učestvovali Elzina Pirić i Mujo Hasić.

Sa 69 glasova za, uz sedam glasova protiv i uz četiri uzdržana glasa, usvojen je Prijedlog Zakona o izmjenama i dopunama Zakona o jedinstvenom sistemu registracije, kontrole i naplate doprinosa.

**2. Prijedlog Zakona o izmjenama i dopunama Krivičnog zakona Federacije BiH – hitni postupak**

Prijedlog Zakona utvrdila je Vlada Federacije BiH.

Prijedlog Zakona razmatrala su nadležna radna tijela i dostavila izvještaje.

Predstavnik Vlade dao je dodatno obrazloženje.

U raspravi su učestvovali: Jasmin Kadić, Elvir Karajbić, Nasir Beganović, Munib Jusufović i Jasmina Zubić.

Prihvaćen je prijedlog da se pređe na sljedeću tačku dnevnog reda kako bi se Vlada mogla izjasniti o podnesenim amandmanima.

**3. Prijedlog Zakona o izmjenama Zakona o suzbijanju korupcije i organiziranog kriminala u Federaciji BiH – hitni postupak**

Prijedlog Zakona utvrdila je Vlada Federacije BiH.

Prijedlog Zakona razmatrala su nadležna radna tijela i dostavila izvještaje.

U ime Vlade Federacije dodatno obrazloženje dao je ministar Mato Jozić.

U raspravi su učestvovali: Elvir Karajbić, Damir Mašić, Jasmina Zubić i Dennis Gratz.

Prihvaćen je prijedlog da se pređe na sljedeću tačku dnevnog reda kako bi se Vlada mogla izjasniti o podnesenim amandmanima.

**4. Prijedlog Zakona o izmjenama Zakona o posredovanju u zapošljavanju i socijalnoj sigurnosti nezaposlenih osoba (predlagač: Dennis Gratz) – skraćeni postupak**

Prijedlog Zakona utvrdio je zastupnik Dennis Gratz.

Prijedlog Zakona razmatrala su nadležna radna tijela i dostavila izvještaje.

Dennis Gratz dodatno je obrazložio Prijedlog Zakona.

Prije otvaranja pretresa predsjedavajući je, na osnovu člana 172. stav 3. Poslovnika, kazao da se ne radi o složenom i obimnom Prijedlogu Zakona te pozvao

zastupnike da se izjasne da li će se razmatrati po skraćenom postupku. Nije usvojeno sa se ovaj prijedlog Zakona razmatra po skraćenom postupku (34 glasa za, 20 glasova protiv i 17 uzdržanih glasova), te će biti razmatran u formi nacрта.

U raspravi su učestvovali Boris Barun i Davor Vuletić.

Nacrt Zakona o izmjenama Zakona o posredovanju u zapošljavanju i socijalnoj sigurnosti nezaposlenih osoba nije usvojen (33 glasa za, 24 glasa protiv i 14 uzdržanih glasova).

## **5. Prijedlog Zakona o zabrani negiranja, osporavanja, minimiziranja, opravdavanja ili odobravanja holokausta, zločina genocida i zločina protiv čovječnosti (predlagač: Dennis Gratz) – skraćeni postupak**

Prijedlog Zakona utvrdio je zastupnik Dennis Gratz.

Prijedlog Zakona razmatrala su nadležna radna tijela i dostavila izvještaje.

Dennis Gratz dodatno je obrazložio Prijedlog Zakona.

Prije otvaranja pretresa predsjedavajući je, na osnovu člana 172. stav 3. Poslovnika, kazao da se ne radi o složenom i obimnom Prijedlogu Zakona te pozvao zastupnike da se izjasne da li će se razmatrati po skraćenom postupku. Nije usvojeno sa se ovaj prijedlog Zakona razmatra po skraćenom postupku (36 glasova za, 17 glasova protiv i 26 uzdržanih glasova), te će biti razmatran u formi nacрта

U raspravi su učestvovali: Faruk Ćupina, Boris Barun, Dženan Đonlagić, Damir Mašić, Jusuf Bubica i Slavica Josipović.

Sa 47 glasova za, uz 13 glasova protiv i uz 22 uzdržana glasa, usvojen je sljedeći:

### **Z A K L J U Č A K**

Predstavnički dom Parlamenta Federacije BiH prihvata Nacrt Zakona o zabrani negiranja, osporavanja, minimiziranja, opravdavanja ili odobravanja holokausta, zločina genocida i zločina protiv čovječnosti i smatra da može poslužiti kao osnova za izradu prijedloga Zakona.

Zadužuje se predlagač da prilikom izrade prijedloga Zakona ima u vidu sve sugestije, primjedbe i prijedloge iznesene u raspravi kao i one koji su dostavljeni ili će biti dostavljeni u pisanoj formi.

## **6. Prijedlog Zakona o izmjenama Zakona o plaćama i naknadama u organima vlasti Federacije BiH (predlagač: Dennis Gratz) – skraćeni postupak**

Prijedlog Zakona utvrdio je zastupnik Dennis Gratz.

Prijedlog Zakona razmatrala su nadležna radna tijela i dostavila izvještaje.

Dennis Gratz dodatno je obrazložio Prijedlog Zakona.

Prije otvaranja pretresa predsjedavajući je, na osnovu člana 172. stav 3. Poslovnika, kazao da se ne radi o složenom i obimnom Prijedlogu Zakona te pozvao zastupnike da se izjasne da li će se razmatrati po skraćenom postupku. Nije usvojeno sa se ovaj prijedlog Zakona razmatra po skraćenom postupku (32 glasa za, 30 glasova protiv i devet uzdržanih glasova), te će biti razmatran u formi nacрта.

U raspravi su učestvovali: Munib Jusufović, Dennis Gratz, Jasmin Kadić, Nasir Beganović, Dženan Đonlagić, Asim Kamber, Mahir Mešalić, Dževad Agić, Boris Marjanović i Dario Knezović.

Nacrt Zakona o izmjenama i dopunama Zakona o plaćama i naknadama u organima vlasti Federacije BiH nije usvojen (28 glasova za, 35 glasova protiv i 13 uzdržanih glasova).

#### **7. Prijedlog Zakona o izmjeni i dopuni Zakona o zdravstvenoj zaštiti (predlagač: Dennis Gratz) – skraćeni postupak**

Prijedlog Zakona utvrdio je zastupnik Dennis Gratz.

Prijedlog Zakona razmatrala su nadležna radna tijela i dostavila izvještaje.

Dennis Gratz dodatno je obrazložio Prijedlog Zakona.

Prije otvaranja pretresa predsjedavajući je, na osnovu člana 172. stav 3. Poslovnika, kazao da se ne radi o složenom i obimnom Prijedlogu Zakona te pozvao zastupnike da se izjasne da li će se razmatrati po skraćenom postupku. Nije usvojeno da se ovaj prijedlog Zakona razmatra po skraćenom postupku (30 glasova za, 31 glas protiv i četiri uzdržana glasa), te će biti razmatran u formi nacrt.

U ime Zakonodavno-pravne komisije obrazlagao je Boris Barun.

U raspravi je učestvovao Zlatko Kravić.

Nacrt Zakona o izmjeni i dopuni Zakona o zdravstvenoj zaštiti nije usvojen (21 glas za, 34 glasa protiv i 10 uzdržanih glasova).

#### **8. Prijedlog Zakona o izmjeni Zakona o bibliotečkoj djelatnosti (predlagač: Dennis Gratz) - skraćeni postupak**

Prijedlog Zakona utvrdio je zastupnik Dennis Gratz.

Prijedlog Zakona razmatrala su nadležna radna tijela i dostavila izvještaje.

Dennis Gratz dodatno je obrazložio Prijedlog Zakona.

Prije otvaranja pretresa predsjedavajući je, na osnovu člana 172. stav 3. Poslovnika, kazao da se ne radi o složenom i obimnom Prijedlogu Zakona te pozvao zastupnike da se izjasne da li će se razmatrati po skraćenom postupku. Nije usvojeno da se ovaj prijedlog Zakona razmatra po skraćenom postupku (26 glasova za, 22 glasa protiv i osam uzdržanih glasova), te će biti razmatran u formi nacrt.

U raspravi su učestvovali Damir Mašić i Asim Kamber.

Sa 34 glasa za, uz 20 glasova protiv i uz 12 uzdržanih glasova, usvojen je sljedeći:

### **Z A K L J U Č A K**

Predstavnički dom Parlamenta Federacije BiH prihvata Nacrt Zakona o bibliotečkoj djelatnosti, te smatra da može poslužiti kao osnova za izradu prijedloga Zakona.

Zadužuje se predlagač da prilikom izrade prijedloga Zakona ima u vidu sve sugestije, primjedbe i prijedloge iznesene u raspravi, kao i one koji su dostavljeni ili će biti dostavljeni u pisanoj formi.

## **9. Prijedlog Zakona o posebnim mjerama za sprečavanje vršenja krivičnih djela protiv spolne slobode i morala prema maloljetnim licima u Federaciji BiH (predlagač: Dennis Gratz) – skraćeni postupak**

Prijedlog Zakona utvrdio je zastupnik Dennis Gratz.

Prijedlog Zakona razmatrala su nadležna radna tijela i dostavila izvještaje.

Dennis Gratz dodatno je obrazložio Prijedlog Zakona.

Prije otvaranja pretresa predsjedavajući je, na osnovu člana 172. stav 3. Poslovnika, kazao da se ne radi o složenom i obimnom Prijedlogu Zakona te pozvao zastupnike da se izjasne da li će se razmatrati po skraćenom postupku. Nije usvojeno da se ovaj prijedlog Zakona razmatra po skraćenom postupku (23 glasa za, 28 glasova protiv i osam uzdržanih glasova), te će biti razmatran u formi nacrt.

U ime Zakonodavno-pravne komisije obrazlagao je Boris Barun.

U raspravi su učestvovali Mira Ljubijankić, Dennis Gratz i Mira Grgić.

Sa 36 glasova za, uz 17 glasova protiv i uz 11 uzdržanih glasova, usvojen je sljedeći:

### **Z A K L J U Č A K**

Predstavnički dom Parlamenta Federacije BiH prihvata Nacrt Zakona o posebnim mjerama za sprečavanje vršenja krivičnih djela protiv spolne slobode i morala prema maloljetnim licima u Federaciji BiH.

Zadužuje se predlagač sa prilikom izrade prijedloga Zakona ima u vidu sve sugestije, primjedbe i prijedloge iznesene u raspravi kao i one koji su dostavljeni ili će biti dostavljeni u pisanoj formi da se provede javna rasprava od 90 dana.

Data je pauza do 15.15.

### **Rad se nastavio po 2. tački dnevnog reda - Prijedlog Zakona o izmjenama i dopunama Krivičnog zakona Federacije BiH.**

U ime Vlade Federacije BiH, ministar se izjasnio o predloženim amandmanima i kazao da ne prihvata 16 amandmana, koje je podnio Klub zastupnika SDP.

Dao je obrazloženje Prijedloga Zakona, uz jednu ispravku tehničke prirode koja se odnosi na član 11. stav 4. novog člana 210a. u kojem se riječi: „st. 1. i 3.“ zamjenjuju riječima: „st. 1. i 2.“ i stav 7. u kojem se tekst: „st. 1. i 3.“ zamjenjuje tekstem: „st. 1. i 2.“.

Elvir Karajbić tražio je, u ime Kluba zastupnika SDP, da se zastupnici izjasne o amandmanima. Amandmani Kluba zastupnika SDP: Amandman I. na član 71., nova tačka f) nije usvojen (26 glasova za, 39 glasova protiv i 12 uzdržanih glasova). Amandman II. na novi član 78a. nije usvojen (25 glasova za, 37 glasova protiv i devet uzdržanih glasova). Amandman III. na član 172. st. 1. i 2. nije usvojen (28 glasova za, 35 glasova protiv i 13 uzdržanih glasova). Amandman IV. na član 173. st. 1. i 2. nije usvojen (25 glasova za, 40 glasova protiv i 10 uzdržanih glasova). Amandman V. na član 174. nije usvojen (28 glasova za, 38 glasova protiv i 11 uzdržanih glasova). Amandman VI. na član 183. st. 1. i 2. nije usvojen (28 glasova za, 38 glasova protiv i 12 uzdržanih glasova). Amandman VII. na član 222. st. 1., 3. i 4. nije usvojen (27 glasova za, 35 glasova protiv i sedam uzdržanih glasova). Amandman VIII. na član 286. stav 1. nije usvojen (24 glasa za, 41 glas protiv i 13 uzdržanih glasova). Amandman IX. na član 287. stav 1. nije usvojen (24 glasa za, 36 glasova protiv i 10 uzdržanih glasova). Amandman X. na član 288. stav 1. nije usvojen (27 glasova za,

38 glasova protiv i 11 uzdržanih glasova). Amandman XI. na član 289. stav 1. nije usvojen (28 glasova za, 37 glasova protiv i osam uzdržanih glasova). Amandman XII. na član 323. st. 1. i 3. nije usvojen (29 glasova za, 36 glasova protiv i sedam uzdržanih glasova). Amandman XIII. na član 323. novi član 323a. nije usvojen (27 glasova za, 34 glasa protiv i devet uzdržanih glasova). Amandman XIV. na član 336. novi član 336a. nije usvojen (27 glasova za, 33 glasa protiv i 14 uzdržanih glasova). Amandman XV. na član 362. st. 1. i 2. nije usvojen (26 glasova za, 32 glasa protiv i 12 uzdržanih glasova). Amandman XVI. na član 371. stav 1. nije usvojen (27 glasova za, 38 glasova protiv i 14 uzdržanih glasova).

Sa 67 glasova za, uz sedam glasova protiv i uz jedan uzdržani glas, usvojen je Prijedlog Zakona o izmjenama i dopunama Krivičnog zakona Federacije BiH.

### **3. Prijedlog Zakona o izmjenama Zakona o suzbijanju korupcije i organiziranog kriminala u Federaciji BiH – hitni postupak**

Vlada nije prihvatila amandman Kluba zastupnika SDP.

Elvir Karajbić je, u ime Kluba zastupnika SDP, tražio da se zastupnici izjasne o amandmanu na član 2. gdje se predlaže izmjena člana 35., a koji nije usvojen (34 glasa za, 36 glasova protiv i 10 uzdržanih glasova).

Nakon glasanja o Prijedlogu Zakona Elvir Karajbić je, u ime Kluba zastupnika SDP, izrazio sumnju u rezultate glasanja te je, na osnovu pojedinačnog izjašnjavanja, sa 52 glasa za, uz 26 glasova protiv i uz jedan uzdržani glas, usvojen Prijedlog Zakona o izmjenama Zakona o suzbijanju korupcije i organiziranog kriminala u Federaciji BiH.

### **10. Prijedlog Zakona o Trezoru u Federaciji BiH**

Prijedlog Zakona utvrdila je Vlada Federacije BiH.

U ime Vlade Federacije dodatno obrazloženje dala je ministrica Jelka Milićević.

U ime Odbora za ekonomsku i finansijsku politiku obrazlagao je Sanel Razić.

U raspravi niko nije učestvovao.

Sa 72 glasa za, uz četiri glasa protiv i uz pet uzdržanih glasova, usvojen je Prijedlog Zakona o Trezoru u Federaciji BiH.

### **11. Nacrt Zakona o tehničkoj kulturi u Federaciji BiH (predlagači: Amir Zukić i Omer Škaljo)**

Nacrt Zakona utvrdili su zastupnici Amir Zukić i Omer Škaljo.

Amir Zukić dao je dodatno obrazloženje.

U ime Zakonodavno-pravne komisije obrazlagao je Boris Barun.

Sa 50 glasova za, uz 14 glasova protiv i uz 14 uzdržanih glasova, usvojen je sljedeći:

## ZAKLJUČAK

Predstavnički dom Parlamenta Federacije BiH prihvata Nacrt Zakona o tehničkoj kulturi Federacije BiH, te smatra da može poslužiti kao osnova za izradu prijedloga Zakona.

Zadužuje se predlagač da organizira i provede javnu raspravu u trajanju od 90 dana, u skladu sa odredbama Poslovnika Predstavničkog doma Parlamenta Federacije BiH o proceduri za organizaciju i provedbu javne rasprave.

Zadužuje se predlagač da prilikom izrade prijedloga Zakona ima u vidu sve sugestije, primjedbe i prijedloge iznesene u raspravi kao i one koji su dostavljeni ili će biti dostavljeni u pisanoj formi.

### **12. Nacrt Zakona o izmjenama i dopunama Zakona o leasingu**

Nacrt Zakona utvrdila je Vlada Federacije BiH.

Nacrt Zakona razmatrala su nadležna radna tijela i dostavila izvještaje.

U ime Vlade Federacije dodatno obrazloženje dala je ministrica Jelka Milićević.

U raspravi su učestvovali Enver Bijedić i Faruk Ćupina.

Sa 76 glasova za, bez glasova protiv i bez uzdržanih glasova, usvojen je sljedeći:

## ZAKLJUČAK

Predstavnički dom Parlamenta Federacije BiH prihvata Nacrt Zakona o izmjenama i dopunama Zakona o leasingu, te smatra da može poslužiti kao osnova za izradu prijedloga Zakona.

Zadužuje se predlagač da organizira i provede javnu raspravu u trajanju od 30 dana, u skladu sa odredbama Poslovnika Predstavničkog doma Parlamenta Federacije BiH o proceduri za organizaciju i provedbu javne rasprave.

Zadužuje se predlagač da prilikom izrade prijedloga Zakona ima u vidu sve sugestije, primjedbe i prijedloge iznesene u raspravi kao i one koji su dostavljeni ili će biti dostavljeni u pisanoj formi.

### **13. Nacrt Zakona o dobrovoljnim penzijskim fondovima**

Nacrt Zakona utvrdila je Vlada Federacije BiH.

Nacrt Zakona razmatrala su nadležna radna tijela i dostavila izvještaje.

U ime Vlade Federacije BiH dodatno obrazloženje dala je ministrica Jelka Milićević.

U raspravi su učestvovali: Enver Bijedić, Almir Zulić, Mujo Hodžić i Dževad Adžem.

Sa 54 glasa za, uz 15 glasova protiv i uz sedam uzdržanih glasova, usvojen je sljedeći:

## ZAKLJUČAK

Predstavnički dom Parlamenta Federacije BiH prihvata Nacrt Zakona o dobrovoljnim penzijskim fondovima, te smatra da može poslužiti kao osnova za izradu prijedloga Zakona.

Zadužuje se predlagač da organizira i provede javnu raspravu u trajanju od 90 dana, u skladu sa odredbama Poslovnika Predstavničkog doma Parlamenta Federacije BiH o proceduri za organizaciju i provedbu javne rasprave.

Zadužuje se predlagač da prilikom izrade prijedloga Zakona ima u vidu sve sugestije, primjedbe i prijedloge iznesene u raspravi kao i one koji su dostavljeni ili će biti dostavljeni u pisanoj formi.

### **14. Program rada Vlade Federacije BiH za 2016. godinu**

Program rada dostavila je Vlada Federacije BiH.

Program rada razmatrala su nadležna rada tijela i dostavila izvještaje.

Uime Vlade Federacije dodatno obrazloženje dao je premijer Fadil Novalić.

U raspravi su učestvovali: Dženan Đonlagić, Mira Grgić, Slavica Josipović, Safet Kešo, Elvir Karajbić, Dževad Agić i Dževad Adžem.

Sa 54 glasa za, uz 25 glasova protiv i uz jedan uzdržani glas, usvojen je Program rada Vlade Federacije BiH za 2016. godinu.

### **15. Prijedlog Odluke o odobravanju Odluke o davanju saglasnosti na izmjenu ugovora o sindiciranom dugoročnom kreditu s valutnom klauzulom**

Prijedlog Odluke s pratećim materijalima dostavila je Vlada Federacije BiH.

U raspravi su učestvovali: Esad Bašagić, Mira Ljubijankić i generalni direktor Željeznica Federacije Enes Ćatić.

Sa 56 glasova za, uz tri glasa protiv i uz 10 uzdržanih glasova, usvojen je Prijedlog Odluke o odobravanju Odluke o davanju saglasnosti na izmjenu ugovora o sindiciranom dugoročnom kreditu s valutnom klauzulom.

**Pod 16. tačkom - Usaglašavanje tekstova zakona različito usvojenih u domovima Parlamenta Federacije BiH - nije bilo materijala.**

### **17. Izbor i imenovanja**

Komisija za izbor i imenovanja na sjednici od 22.02.2016. godine razmatrala je: Prijedlog za imenovanje generalnog revizora i zamjenika generalnog revizora u Federaciji BiH; Prijedlog Odluke o razrješenju člana Ustavne komisije Predstavničkog doma Parlamenta Federacije BiH i Imenovanje vršilaca dužnosti članova Regulatorne komisije za električnu energiju u Federaciji BiH.

Predsjednik Komisije dao je dodatno obrazloženje. Kazao je da u vezi sa prijedlogom za imenovanje generalnog revizora i zamjenika generalnog revizora u Federaciji BiH za generalnog revizora predlaže Dževada Nekića a za zamjenika Dragana Kolobarića. U vezi sa Prijedlogom Odluke o razrješenju člana Ustavne

komisije Predstavničkog doma Parlamenta Federacije BiH, kazao je da je Feliks Vidović podnio ostavku na mjesto u Ustavnoj komisiji iz reda stručnih, naučnih, javnih i kulturnih radnika. Obrazložio je i izbor vršioca dužnosti članova FERK-a gdje se iz reda zaposlenih Regulatorne komisije privremeno imenuju: Jasmin Bešo, Sanela Pokrajčić i Vladenka Milović.

Sa 54 glasa za, uz 17 glasova protiv i uz jedan uzdržani glas, Predstavnički dom donio je Odluku za imenovanje generalnog revizora i zamjenika generalnog revizora u Federaciji BiH.

Sa 59 glasova za, uz sedam glasova protiv i uz četiri uzdržana glasa, Predstavnički dom donio je Odluku o razrješenju člana Ustavne komisije iz reda stručnih, naučnih, kulturnih i javnih radnika.

Predsjedavajući je zaključio rad 8. redovne sjednice u 18.07.

Transkript i prijepis transkripta sjednice čine sastavni dio Zapisnika.

v. d. SEKRETARA  
PREDSTAVNIČKOG DOMA  
PARLAMENTA FEDERACIJE BIH

Daniela Čegar

PREDSJEDAVAJUĆI  
PREDSTAVNIČKOG DOMA  
PARLAMENTA FEDERACIJE BIH

Edin Mušić